

是最後字過此法不可說聲者若無有字此謂涅槃若有字者則是生死最後者更無有字唯除羅字不可說者不可得不可分別無色故不可說諸法者謂陰界入三十七品此謂最後字過此不可說聲

二十五末

文殊師利所問經卷上

墨五

搔癢上音蘇下音養反搏音團腐爛上音旦反下經音他徒
他音去聲呼音良反吉音免弭音伐菘音籜醍音二
胡音題糜音密碑音痰織音裁祠音醯呼音芳紐音九
磁音慈屑音先節音號叫音臺弊音毗祭音標相音反下必音苗
聲音沆濯音下音濁音伴反踝音玄反厄音盛貯音知呂音成下踐音去

蹋上音塔反下突音陀骨音脊輦音六之音翳一音計炮音步交音交
菴音烏舍音痂音痂音痂又作音誡魚音迦反屣音所綺音擺音可
跛音必我音彼力音抄楚音教蚋音而歲音酢鹹音下醋音字
澀音所立音棘反即音達蚊音上莫音文下音虱諛音諛諛音諛
羊音朱反下音販反方音萬態音他代音駛二音使史音史

文殊師利問經卷下

墨六

分別部品第十五

梁扶南三藏僧伽婆羅譯

爾時文殊師利白佛言世尊佛入涅槃後未來弟子云何諸部分別云何根本部

佛告文殊師利未來我弟子有二十部能令

諸法住二十部者並得四果三藏平等無下

中上譬如海水味無有異如人有二十子真

實如來所說文殊師利根本二部從大乘出

從般若波羅蜜出聲聞緣覺諸佛悉從般若

波羅蜜出文殊師利如地水火風虛空是一

切眾生住處如是般若波羅蜜及大乘是一

切聲聞緣覺諸佛出處文殊師利白佛言世

尊云何名部

佛告文殊師利初二部者一摩訶僧祇此言

老少同會共二體毗履此言老宿海老宿人

我入涅槃後一百歲此二部當起從摩訶僧

祇出七部於此百歲內出一部名執一語言

所執與僧祇於百歲內從執一語言部復出

一部名出世間語言律主也於百歲內從出世

間語言出一部名高拘梨柯律主也於百歲

內從高拘梨柯出一部名多聞律主也於

百歲內從多聞出一部名只底舸律主也

於百歲內從只底舸出一部名東山律主也

於百歲內從東山出一部名北山律主也此

謂從摩訶僧祇部出於七部及本僧祇是為

八部

於百歲內從體毗履部出十一部於百歲內

出一部名一切語言律主也於百

歲內從一切語言出一部名雪山律主也於

百歲內從雪山出一部名犢子律主也於百歲

內從犢子出一部名法勝律主也於百歲內從

法勝出一部名賢律主也於百歲內從賢部出

一部名一切所貴律主也於百歲內從一

切所貴出一部名苾芻山律主也於百歲內從苾

芻山出一部名大不可棄律主也於

也死故云不可棄於百歲內從大不可棄出一

部名法護律主也於百歲內從法護出一部名

迦葉比律主也於百歲內從迦葉比出一部名

修妬路句律主也此謂體毗履部出十一

部及體毗履成十二部佛說此祇夜

摩訶僧祇部 分別出有七 體毗履十一

是謂十二部 十八及本二 悉從大乘出

無是亦無非 我說未來起

雜問品第十六

爾時文殊師利白佛言世尊未來外道說如

是語世尊往昔說火聚經六十比丘死六十

比丘休道六十比丘解脫外道當如是說世

尊非一切智何以故不見此事故當云何答

佛告文殊師利如人然燈不為殺蟲文殊師

利如來如是隨眾所堪則為彼說如來說

法無非因緣若有眾生有殺生業必受果報

彼眾不堪受法是故休道彼眾堪受法

則得解脫皆隨其因緣非如來所作何以故

佛從世間生佛不說佛造世間若人殺生自得短命若人不殺自得長壽及解脫果此諸衆生雖復休道如來未來必當化度是故文殊師利如來無過文殊師利如日月光照拘牟頭分陀利鬱波羅華等或有合者或有開者或墮落者非是日月有分別心何以故日

月無心故以無心故自開自落非日月過文殊師利如來說法亦復如是有衆生長壽短壽無病有病多病少病可憎可愛有下中上貧富貴賤生閻浮提生鬱單越生拘耶尼生弗于逮生四天王處乃至非想非非想處有生地獄餓鬼畜生阿脩羅等自業為財自業

異

三

為分業為生處唯業所造非餘物造有上中下非我所造何以故一切諸衆生自業為財故爾時文殊師利白佛言世尊菩薩摩訶薩事有婦兒施等如須達拏以二子施醜婆羅門此婆羅門打此二兒世尊何故無平等慈心若菩薩無慈悲心不名菩薩世尊諸菩薩

有平等心不若有等心云何以兒與人打拍若人此問當云何答

佛告文殊師利如人有兩兒以其小兒施於大兒文殊師利此父母是平等心不大兒打拍小兒遂死文殊師利誰當得罪文殊師利白佛言世尊父母等心無有罪過大兒自得

此罪佛告文殊師利我於衆生常平等心如羅睺羅可愛可念提婆達多亦可愛可念文殊師利是故菩薩無有罪過復次文殊師利如有一人日日施食有人來乞此人即施因得食故劫盜他財文殊師利是誰得罪文殊師利白佛言世尊非施主得罪施主唯有施

意不令作盜佛告文殊師利如是諸菩薩唯有施意無有殺心是故菩薩成無害想有人殺害自得殺罪佛說此祇夜

常行平等心 施時無害想 彼自有殺罪 我平等無過 有壽有壽想 復有殺害心 命斷於此時 害者得殺罪 若無有壽命

而作壽命心 於此起害意 亦得言有罪
提婆及羅睺 愛念無有二 如是慈悲心
是菩薩平等

文殊師利白佛言世尊如是如是誠如聖言
爾時文殊師利白佛言世尊未來有人當難
如來世尊常言若人能說二十四處便生二

十四處二十四處有一洲王二洲王三洲王
四洲王四天王乃至他化自在天王梵身梵
富樓大梵得須陀洹乃至阿羅漢有大智慧
有諸善行不動不放逸此謂二十四處如來
今既能說亦應得此處彼邪見難當云何答
佛告文殊師利如來說法不爲此因緣文殊

墨六

四

師利如日月光利益諸華雖有此力不求恩
報何以故日月無心故文殊師利如來如是
不求報故爲人說法何以故如來無心故文
殊師利如來於諸法中無有染著是故文殊
師利我所說法無爲我義何以故昔於三阿
僧祇劫施頭目髓腦手足支節國城妻子奴

婢象馬種種布施如來於彼無求報心如來
不求世間果報何以故我說諸法無爲我義
不爲自身不爲他身不爲自他身若爲自身
他身及自他身如來便有所著

佛告文殊師利猶如日月不作是思惟華當
報我恩不報我恩日月無心故如來亦無心

何以故如來無可取既無可取云何當得報
於是耶雖言我得阿耨多羅三藐三菩提道
我亦不說一字何以故無可取故如來不可
取如來無得果報何以故離苦樂故我先思
惟是時得菩提一切所求悉得亦無所得無
形無相佛說是祇夜

日月照諸華 無有恩報想 如來無可取
不求報亦然

爾時文殊師利白佛言世尊先說無有衆生
非時節死何以故雖必當死非時不死故諸
邪見人當作是說至其死時我乃得殺是故
殺者無有罪過何以故是其死時故是故我

墨六

五

殺無有罪過當云何答

佛告文殊師利譬如有人造作官殿既已成就樂欲住止問占相者何日好住何日不好彼人答言汝不宜入何以故必當為火之所燒故若人故燒亦必被燒若不故燒亦被燒故主人又言若有此事作何方計相師答言

當勤守護主人即便勤加守護有人持火來燒此宮文殊師利此持火人有罪過不文殊師利言世尊有罪有罪如是文殊師利若死時若非死時有殺害者必得殺罪當入地獄如燒官殿佛說此祇夜至時不至時 若人殺害彼 必當入地獄

譬如燒官殿

爾時文殊師利白佛言世尊未來邪見當說此言有人殺人不得殺罪何以故殺身不殺命若身是命如父母死其子燒身應得殺罪何以故身是命故故知身非壽命壽命非身何以故身異命異故若身即是命若命即是

身燒身即燒命若壽命往後世身亦應往若身被燒命不被燒是故知身非即是命何以故命不可燒故是故身非是命命非是身是故殺身不得殺罪何以故以異命故如人問路彼直動身如是世尊別燒別得罪何以故命往後世身猶在故以是故知身非壽命世

尊有人能殺命不若人能殺命者不應更生若命已被殺不須涅槃若身是壽命身被殺時命亦被殺若身是壽命殺身則得涅槃何以故以無異故是故無殺生果

世尊若身被殺壽命更生受別異姓是故此人不得殺罪何以故壽命更生故更生者地獄畜生餓鬼阿脩羅等是謂更生是故殺身不名殺命如坐禪師教諸弟子除心意識若除心意識不更生若不更生則無復身若無復身則亦無命若無有命則不更生是為禪師殺人壽命世尊云何當彼答邪見人佛告文殊師利戒有二種所謂身口非心意

識戒若心意識是戒則無持戒人何以故心攀緣難制故無住處故譬如駛水亦如後猴動轉不停不可守護是故文殊師利無心意識戒唯身口有戒心意識非殺罪處何以故非戒處故若以心樂則能得定若心不樂則不得定是故學者以定殺心非人能殺是故

文殊師利定得殺罪非心得罪又若殺自身無有罪報何以故如菩薩殺身唯得功德我身由我故若身由我得罪果者剪爪傷指便當得罪何以故自傷身故若身自死衆生得食本無施心既不得福亦無有罪何以故諸菩薩捨身非是無記唯得福德是故煩惱滅

故心則滅心滅故意滅意滅故識滅識滅故身滅身滅故壽滅壽滅故命滅命滅故諸根滅諸根滅故諸入滅諸入滅故諸界滅諸界滅故諸陰滅諸陰滅故不相續不相續故心意識無處心意識無處故得清淨如是文殊師利譬如垢衣以灰汁浣濯垢滅衣在何以

故垢已去故以垢去故衣得清淨如是文殊師利諸過爲垢以智慧水洗除心垢以除心垢故成清淨佛說此祇夜

譬如垢汗衣 浣治以灰汁 以灰汁浣治是衣得清淨 如是以過患 染汗於正識 浣以智慧灰 心即得清淨

墨六

七

爾時文殊師利白佛言世尊外道隨其邪見復當說言若世尊是一切智何故不先記外道女人孫陀利及旃遮摩尼應謗如來故知如來非一切智以不逆遮彼誹謗故令無數劫入惡道中乃至入於無間地獄世尊當云何答

佛告文殊我今問汝如世醫師明識衆生有風痰熱病其病未起爲逆治不不也世尊文殊師利是師知病不如是世尊文殊師利我亦如是知諸衆生多貪多瞋有多愚癡長壽短壽惡業善業佛雖先知非時不說文殊師利此女人孫陀利及旃遮摩尼過去世時常

殺衆生起不善業常誹謗聖人入阿鼻獄文殊師利衆生惡業不由我造若衆生堪聞法我為彼說若不堪聞我則不說文殊師利如人病重不可療治醫即捨去不與少藥如來亦爾知此二人不可教化是故默然不逆記說文殊師利若可記者我則為記如我記弟

子得聲聞緣覺及得菩薩或不記說當得三乘何以故以不定故

文殊師利於汝意云何若人誹謗虛空當云何答文殊師利言虛空無語言何以故虛空無故如是文殊師利如來與虛空等虛空無語言如來亦無語言

文殊師利有五濁惡世云何為五劫濁衆生濁命濁煩惱濁見濁云何劫濁三災起時更相殺害衆生饑饉種種疾病此謂劫濁云何衆生濁惡衆生善衆生下中上衆生勝劣衆生第一衆生不第一衆生此謂衆生濁云何命濁十歲衆生二十三十四十五十六十七

十八十九十歲百歲二百歲四百歲八百歲乃至千歲有長短故此謂命濁云何煩惱濁多貪多瞋多癡此謂煩惱濁云何見濁邪見戒取見取常見斷見有見無見我見衆生見此謂見濁如是五濁如來悉無佛說此祇夜如來如虛空云何有言語如來無五濁

墨六

八

是故不逆記

爾時文殊師利白佛言世尊未來邪見人當誹謗佛說如是言若使如來是一切智何故待衆生作罪然後制戒

佛告文殊師利如此即是一切智相若我逆制戒人當謗我何以故我不作罪云何強說

此非一切智何以故我無罪過故如來無慈悲心不饒益不攝受衆生如人無子而說有子某時當生空有此言云何可信何以故不真實故若真見生子則生信心如是文殊師利所未作罪人天不見云何逆制戒要須見罪然後乃制文殊師利譬如醫師知風痰熱

等發起所由亦知有藥對治此病有人癯健
身無疾病如此之人須師治不文殊白佛彼
不須治彼若病生師即為治世間讚說是第
一師如是文殊師利一切聲聞一切衆生有
宜制戒有不宜者我知一切衆生心之所行
未作罪者我則不制若已作過我則制戒我

若如此則世間誹謗文殊師利衆生之中有
下中上如來制戒亦復如是文殊師利如種
大麥及麻豆等芽始生時已堪用不文殊師
利言不堪用也何以故以未熟故佛告文殊
師利一切衆生善根未熟亦如是不堪制戒
文殊師利如拘物頭華優鉢羅華始生之時

曇六

九

日光所照能令開不文殊師利言不能開也
何以故以新生故佛告文殊師利善根未熟
亦如是如來如是不得制戒何以故非時節
故若非時制戒衆生不受言我無罪何故制
戒文殊師利如種穀未熟為可取不文殊師
利言不可取也世尊非時尚未有華何況得

米及以糠糲文殊師利我未制戒亦復如是
諸弟子無所犯無犯戒果是故文殊師利我
不逆制戒佛說此祇夜
無罪逆制戒 衆生不信受 是故現有罪
爾時乃制戒 譬如芽莖時 未便有果實
諸比丘無罪 不制戒亦然

爾時文殊師利白佛言世尊邪見人說如是
言摩醯首羅天造此世間如是邪說當云何
破佛告文殊師利此是虛妄非真實語

又餘外道言非首羅造若由首羅不應自謗
何以故自由故若自由者則一切世間以首
羅為師更無餘師若一切世間各自有師則
諸世間非首羅造若一切事由首羅者若事
首羅則應無疑又摩醯首羅經不作是說若
有此說衆生不應生疑是故文殊師利知此
世間非首羅所造當知不實是虛妄言佛說
此祇夜
若諸善惡業 摩醯首羅造 世間無事證

無人決斷說 如此不實語 雖說不成就
爾時文殊師利白佛言世尊如來應供正遍
知法身世尊為於法中有身為以法為身一
切諸法云何與虛空等

佛告文殊師利不於法中有身何以故如虛
空故如不於虛空有虛空何以故虛空者無

處無處故名虛空虛空無意樂當取虛空復
次虛空無體無作故名虛空文殊師利虛空
者非有非無何以故無處有無處無故何以
故若初有故後成無若初無故後成有若初
有後當有若後無則初無如是文殊師利八
種語言通一切諸法佛告文殊師利我不說

墨六

十

有色為身何以故一切佛與虛空等普遍故
無思故無心意識故無處故無內外故是故
文殊師利說名世尊文殊師利謂為佛者不
以身口意覺故謂為佛何以故虛空不以身
口意覺虛空故佛告文殊師利若無心意是
處為有為無若有便定有若無便定無文殊

師利白佛言無有世尊亦無善逝何以故不
可取故與虛空等故若等虛空云何有色相
若有色相便是無常若是無常云何與虛空
等佛告文殊師利譬如兩手和合能出音聲
為從左手生為從右手生若從左手生常應
有聲右手亦然何以故二手常有故一手無
聲合故有聲如是佛從世間出不著世間如
蓮華從水生不為水所著如手合有聲亦有
亦無亦現不現可取不可取如水中月如來
正遍知亦復如是

蜀累品第十七

文殊師利若有人受持此法若說此法若誦

若書若教他所得功德不可限量能生一切
種智如是善男子善女人入佛境界住佛境
界隨佛所學成滿此願我若以七寶滿此世
界及種種衣服日日施彼所得功德無量無
邊若有善男子善女人受持讀誦書寫此經
所得功德取百分之一分為百分如是展轉

墨六

七

百過分之取後一分猶勝萬倍何以故生一切智故經所住處應當供養是地清淨能除諸惡是清淨處是寂靜處是諸天行處是諸佛所念處是人天所貴是如來地住爾時阿難白佛言世尊云何名此經云何奉持佛告阿難此經名為文殊師利所問汝當受持亦

名種種樂說汝當受持亦名斷一切疑汝當受持亦名菩薩諸行修妬路汝當受持

爾時文殊師利白佛言世尊如來應供正遍知所作已辦可作已辦捨於重擔已斷一切諸結已除一切煩惱已洗煩惱垢已伏諸魔已得諸佛法一切智者一切見者成就十力

四無畏十八不共法五眼具足佛眼無障見一切世間如是思惟我初得道先為誰說法云何衆生清淨善行何人易教少貪瞋癡何人能現證智慧彼若不聞此法必當退轉是故我當先為說法彼能堪受無有疑謗世尊阿羅漢正遍知等有何義

佛告文殊師利阿羅漢多者得正遍知名阿羅漢多復次阿者何義過凡夫地名為阿義羅者何義從染得無染名為羅義呵者何義以殺煩惱得光明義那者何義到於醍醐道不為生死所縛義多者何義求覓真實義三藐三佛陀者何義自覺覺彼正遍見義婆者

何義諸法平等如虛空義摩者何義能滅憍慢義耶者何義如法分別義菴者何義如後邊身義迦者何義失業非業義娑者何義知生死輪轉邊義娑者何義解脫繫縛義優者何義能隨問答義陀者何義得寂靜義他者何義受持法性無體相義所作已辦者捨身肉手足事已畢竟謂所作已辦迦釐者已捨不更捨迦者見諸法如觀其掌釐者輒直心相續迦者斷諸業行釐者除三業性多者覺真義耶者滅沒聲如法成就義所作已辦者諸善根已辦捨於重擔者無復生死可擔已斷一切諸結者斷一切貪瞋癡結斷一切煩

墨六

十二

惱者拔三界諸煩惱已洗煩惱垢者無業煩惱氣故已伏諸魔者除諸死魔故已得諸佛法者度一切般若波羅蜜到一切般若波羅蜜此謂已得諸佛法一切智者無所不知一切見者現證一切諸法義成就十力者如法神力等稱量佛力勝一切眾生力百倍千倍百千萬億倍不可思議不可數佛成就無邊力從佛十力出無量力成就一切諸力名成就十力十力者謂是處非處力業力定力根力欲力性力至處道力宿命力天眼力漏盡力四無畏者一切智無畏一切漏盡無畏能說障道無畏說盡苦道無畏十力四無畏大慈大悲大喜大捨謂十八不共法十八不共成滿故五眼亦滿所謂天眼佛眼法眼慧眼肉眼佛有無量眼何以故境界無量故是故佛成就五眼無障礙所見無餘等虛空故以此眼見一切世間以無障礙眼見世間以障礙眼亦見一切世間見已如是思惟為何等

人我當先為說法文殊師利我說此言有何義文殊師利白佛我未解世尊意佛告文殊師利於此佛境界有無窮眾生唯阿羅羅鬱頭藍弗可先為說法除此二人更無餘人而此二人死已七日我先以佛智語十地菩薩我以世間智為眾生說法此二人不聞我法

墨六 十三

故成退轉壽命唯餘七日諸天聞此言即白佛言如是世尊阿羅羅鬱頭藍弗死已七日文殊師利云何眾生清淨善行可化易教眾生者謂多功德人清淨者清淨心也善行者自行諸善根可化者聞略說得度易教者能分別諸法善滅一切身口意垢不為愛見之所繫縛若有如此眾生我當先為說法我當令其得解不誹謗我佛說此祇夜

鬱頭藍弗 阿羅羅仙 死已七日 我先已記後有諸天 而來報我 如是世尊 如是善逝 二人並死 已經七日

文殊師利無有餘人速疾智慧唯除如來善

逝世尊

爾時文殊師利白佛言世尊一切諸功德不與出家心等何以故住家無量過患故出家無量功德故

佛告文殊師利如是如是如汝所說一切諸功德不與出家心等何以故住家無量過患

故出家無量功德故住家者有障礙出家者無障礙住家者攝受諸垢出家者離諸垢住家者行諸惡出家者離諸惡住家者是塵垢處出家者除塵垢處住家者溺欲淤泥出家者出欲淤泥住家者隨愚人法出家者遠愚人法住家者不得正命出家者得正命住家者多怨家出家者無怨家住家者多苦出家者少苦住家者是憂悲惱處出家者歡喜處住家者是惡趣梯出家者是解脫道住家者是結縛處出家者是解脫處住家者有怖畏出家者無怖畏住家者有揮罰出家者無揮罰住家者是傷害處出家者非傷害處住家

者有熱惱出家者無熱惱住家者有貪利苦出家者無貪利苦住家者是憤鬧處出家者
是寂靜處住家者是慳悋處出家者非慳悋處住家者是下賤處出家者是高勝處住家者為煩惱所燒出家者滅煩惱火住家者常為他出家者常為自住家者小心行出家者

墨六

十四

大心行住家者以苦為樂出家者出離為樂住家者增長棘刺出家者能滅棘刺住家者成就小法出家者成就大法住家者無法用出家者有法用住家者多悔悋出家者無悔悋住家者增長血淚乳出家者無血淚乳住家者三乘毀訾出家者三乘稱歎住家者不知足出家者常知足住家者魔王愛念出家者令魔恐怖住家者多放逸出家者無放逸住家者是輕懷處出家者非輕蔑處住家者為人僕使出家者為僕使住家者是生死邊出家者是涅槃邊住家者是墜墮處出家者無墜墮處住家者是黑闇出家者是光明

住家者縱諸根出家者攝諸根住家者長憍慢出家者滅憍慢住家者是低下處出家者是清高處住家者多事務出家者無所作住家者少果報出家者多果報住家者多諂曲出家者心質直住家者常有憂出家者常懷善住家者如刺入身出家者無有刺住家者是疾病處出家者無疾病住家者是衰老法出家者是少壯法住家者為放逸死出家者為慧命生住家者是欺誑法出家者是真實法住家者多所作出家者少所作住家者多飲毒出家者飲醍醐住家者多散亂出家者無散亂住家者是流轉處出家者非流轉處

墨六

十五

住家者不能作依出家者能作依住家者多瞋恚出家者多慈悲住家者有重擔出家者捨重擔住家者無究竟事出家者有究竟事住家者有罪過出家者無罪過住家者有過患出家者無過患住家者有苦難出家者無苦難住家者流轉生死出家者有齊限住家者有穢汙出家者無穢汙住家者有慢出家者無慢住家者以財物為寶出家者以功德為寶住家者多災疫出家者離災疫住家者常有退出家者常增長住家者易得出家者難可得住家者可作出家者不可作住家者隨流出家者逆流住家者是煩惱海出家者是舟航住家者是此岸出家者是彼岸住家者纏所縛出家者離纏縛住家者作怨家出家者滅怨家住家者國王所教戒出家者佛法所教戒住家者有犯罪出家者無犯罪住家者是苦生出家者是樂生住家者是淺出家者是深住家者伴易得出家者伴難得

住家者婦為伴出家者定為伴住家者是習
網出家者破習網住家者傷害為勝出家者
攝受為勝住家者持魔王幢幡出家者持佛
幢幡住家者是住出家者破住家者增長
煩惱出家者出離煩惱住家者如棘林出家
者出棘林文殊師利若我毀訾住家讚歎出

家言滿虛空說猶無盡文殊師利此謂住家
過患出家功德

爾時文殊師利白佛言世尊諸菩薩摩訶薩
常有幾種心念

佛告文殊師利菩薩自念我當何時出家住
僧坊中我當何時自恣和合我當何時修行

墨六

十六

戒定慧解脫解脫知見我當何時著衣如大
牟尼尊我當何時得仙師相好我當何時住
空閑處得處便住我當何時乞食於好惡少
多不生增減或得或不得或寒或熱次第行
乞為治飢瘡如油膏車為持壽命以少自活
我當何時離世八法不為八法之所動轉何

時厭離國城愛樂林藪於十二入不著不樂
我當何時能守護六根令得禪定我當何時
調伏六根如制僕使我當何時坐禪精進讀
誦經書常樂斷諸結使具修諸行我當何時
知足我當何時不樂先戲樂事我當何時為
自他勤行精進我當何時行諸菩薩所行之

道我當何時為世間第一所貴我當何時解
脫愛奴我當何時解脫居家文殊師利此謂
菩薩心之所念佛說此祇夜

若人思惟菩薩心 我知彼有諸功德
其數無量不可極 堪得清淨佛法身
不入惡趣受諸苦 具足成就佛智慧

爾時文殊師利白佛言世尊餘佛世界諸佛
現在有人於此欲見彼佛當云何得見
佛告文殊師利若能專念如來十号佛於彼
人當在不滅亦得常聞諸佛說法并見彼佛
現在四眾增長壽命無諸疾病云何十号謂
如來應供正遍知明行足善逝世間解無上

墨六

十七

士調御丈夫天人師佛世尊文殊師利念十
号者先念佛色身具足相好又念法身壽命
無盡當作是念佛非色身佛是法身以執取
以堅取見佛如虛空樂虛空故知一切法義
文殊師利如須彌山由軋陀山伊沙陀山須
陀梨山珂羅底迦山阿輪迦羅山毗那多山

尼民陀羅山斫迦羅山如是等山悉是障礙
若人一心念佛十号此等諸山不能為障何
以故以正念故佛威神故

復次文殊念佛十号猶如虛空以知如虛空
故無有過失以不失故得無生忍如是依名
字增長正念見佛相好正定具足具足定已
見彼諸佛如照水鏡自見其形彼見諸佛亦
復如是此謂初定復次如一佛像現鏡中分
明見十方諸佛亦如是分明從此以後常正
念思惟必有相起以相起故常樂見佛作此
念時諸佛即現亦不得神通亦不往彼世界
唯住此處見彼諸佛聞佛說法得如實義

文殊師利白佛言以何法故起此定寶佛告
文殊師利當近善知識供養善知識常起精
進不捨精進不捨智慧不動智慧堅智慧利
智慧常入信心令精進根堅固不為天魔沙
門婆羅門所壞由此四法能生此定

文殊師利白佛言復有何法能生此定佛告

文殊師利慚愧懺悔恭敬供養事說法人如
供養佛以此四法能生禪定復於九十日修
無我想端坐專念不雜思惟除食及經行大
小便時悉不得起復有四法能起此定見諸
佛勸人聽法不嫉發菩提心人行諸菩薩所
行復有四法一者造像二施有信人三教化
衆生令離欺慢使得菩提四為守護攝受諸
佛正法復有四法少語言不與在家出家人
和合不著諸法相樂寂靜處復有諸法謂無
生忍厭一切諸行一切生處一切邪見一切
五欲亦不思惟修無量定行不起瞋恚於四
攝法常憶不忘成就慈悲喜捨不譏他過常

聞說法質直修行清淨三業樂歎財施不起
慳心樂讚法施不起法慳修忍辱行同止安
樂若人輕罵誹謗打縛等是我本業得此果
報於他不瞋隨聞受持廣為人說令他思惟
修行正行不生嫉妬不自讚毀他離睡眠懈
怠信佛法僧恭敬上中下座見他少德常憶

不忘語言真諦無餘虛說

復次文殊師利如出家人能修此定在家之
人亦能修習如在家人能修此定出家之人
亦能修習為他廣說令彼修行云何在家人
能修此定以信業果報捨一切財歸依三寶
受持五戒不穿不破不汙不缺受十善道令

起諸善修行梵行毀咎五欲不生嫉妬不愛
妻子常樂出家受持八戒常往僧坊有慚愧
心於出家人常生敬心不秘悖法常樂化人
愛念恭敬和上闍梨及說法人於父母善知
識所心如佛想安止父母及善知識令得住
於安隱之處此是在家之人修此定法云何

出家人當修此定不破戒不汙戒無毀點戒
清淨戒不穢戒不雜邪戒無所依戒無所得
戒不墮戒聖所歎戒慧人所歎戒於波羅提
木叉善能守護成就一切諸行處常畏小罪
淨業淨命樂深無生法忍於空無相無作不
生怖畏常勤精進正念現前有信從心成就

墨六

十九

慚愧不著世法不懷嫉妬常行頭陀功德默
世語言不樂綺語知恩知報恩敬畏和上阿
闍梨無憍慢心常樂勝師及樂近善友若有
善友我當問法既聞法已如說修行若依經
書若依師說於說法人父母善友常懷佛想
樂阿蘭若處不樂人間於身命財心不繫著
思念死想不依利養無所觸犯無渴愛心攝
受正法愛敬尊長不畜長衣鉢不受宿食恒
樂乞食行次第乞常懷慚愧自省己罪不捉
金銀珍寶於真實法不生驚疑常修慈心能
斷瞋怒常修悲心能斷殺害饒益一切世間
慈悲一切衆生常樂經行無睡眠懈怠若住

如是功德則能修此禪定

復次文殊師利當具足諸善常念如來專心思惟不起亂想守護諸根於食知足初夜後夜捐於睡眠離諸煩惱令生禪定不著禪味分別色相得不淨想不著陰界入不自稱譽無有憍慢於一切法作阿蘭若想一切眾生

生親友想不為名聞而持禁戒常行禪定不厭多聞以多聞故不生憍慢於法無疑不謗佛不毀法不破僧常近善人離不善人樂佛所說出世言語愛念六法修五解脫處能滅九種瞋恚斷八懈怠修八精進行九想定修八大人覺成就諸禪解脫三昧三摩跋提一

切諸見所不能動攝耳聽法分別諸陰無有住相怖畏生死如拔刀賊於十二入如空聚想於十八界如毒蛇想於泥洹處生寂靜想觀於五欲如棘刺想樂出生死無有諍訟教化眾生修諸功德能如是者得深禪定文殊師利若人修行此定所得功德永不退轉文

殊師利如三千大千世界盡末為塵世界多少如微塵數盡布七寶持用布施於汝意云何若人能如是施功德多不文殊師利言甚多世尊

佛言我今告汝若善男子女人直聞此定無怖畏心所得功德於彼為多何況信心思惟

星六

平

修行受持讀誦況復為人廣說何況修習得此定者彼功德數我不能說是故文殊師利善男子善女人應當修習此定憶持此定兼為他人廣說此定文殊師利劫燒之時若有菩薩持此定者為火所逼無有是處若值王難及惡鬼神種種惡毒不能為難除惡業深重決定受報

復次文殊師利若菩薩摩訶薩持此定者無有疾病六根清淨無諸橫惱復次文殊師利若持此定者諸天龍神悉皆守護諸天所歎乃至諸佛亦常讚歎諸天常樂見乃至諸佛亦常樂見復次文殊師利若受此定者所未

聞法即皆得聞乃至眠時夢得此定文殊師利我說此定功德若一劫若過一劫亦不能盡無有邊際何況菩薩能得此定文殊師利譬如有人身強多力若向東行經百千歲南西北方上下亦令於汝意云何有人能稱數此人所行之處若一由旬二由旬乃至百千

由旬不文殊師利言除佛一切種智及大智舍利弗并不退菩薩餘無能數

佛告文殊師利若有善男子善女人彼所行處滿中珍寶悉以布施若復有人聞此定聞已隨喜發願欲得三菩提欲得多聞以此隨喜功德比布施功德百分千分乃至百千萬

異

止

億分不可為比此人為過去諸佛所隨喜現在未來諸佛亦隨喜我亦隨喜文殊師利白佛言世尊如是如是此定功德果報實不可思量佛告文殊師利若菩薩一日修行此定過去未來現在衆生所修功德不及此定百千萬分之一佛說此祇夜

念如來十号 及以無邊德 如此諸功德 不可得稱量 珍寶廣布施 如此之所說

聞定隨喜心 過此不可數

爾時文殊師利白佛言世尊諸供養餘華用治衆病或消惡毒其法云何若供養佛餘華般若波羅蜜華佛足下華菩提樹華轉法輪

處華塔華菩薩華衆僧華佛像華其法云何世尊用此華有幾種呪法世尊一切諸華云何入佛華中世尊用此華法為有一種為有多種此呪為有一種為有多種

佛告文殊師利各各華各各呪一華呪一百八遍

誦佛華呪曰 南無佛闍寫治莎呵

般若波羅蜜華呪曰

那末柯盧履反 般若波羅蜜多窣莎呵

佛足華呪曰 那莫波柁制點軌鹽莎呵

菩提樹華呪曰 南無菩提遍力龕嵐莎呵

轉法輪處華呪曰

南無達摩斫柯羅夜莎呵

塔華呪曰 那莫踰跋耶莎呵

菩薩華呪曰 南無菩提薩埵治莎呵

眾僧華呪曰 那莫僧伽治莎呵

佛像華呪曰 那莫波羅底耶莎呵

文殊師利呪經如是汝當受持復告文殊師

利用此華法若比丘比丘尼優婆塞優婆夷

若能信修行應當早起清淨澡漱念佛功德

恭敬此華不以足踏及跨華土如法執取安

置淨器若人寒熱冷水磨華以用塗身若頭

額痛亦皆以塗若吐痢出血或腹內煩痛以

漿飲磨華當服此華飲若口患瘡以暖水磨

華啗此華汁若人多瞋或以冷水或以沙糖

以磨此華飲服華汁若多貪染以灰汁磨華

塗其隱處復以冷水磨華塗其頂上貪結漸

消常為一切人所愛敬若天雨不止於空閑

處以火燒華令雨即止若天亢旱在空閑處

以華置水中復呪冷水更灑華上天即降雨

墨六

廿二

若牛馬象等本性不調以華飼之即便調伏
若諸果樹華實不茂以冷水牛糞磨取華汁
以灌其根不得踐踏華實即多若田中多水
苗稼損減擣華為末以散田中即得滋長若
高原陸地無有水處請四比丘於其處布華
一日之中百八遍誦呪次復一日更以新華

布先華上又誦呪一百八遍如是乃至七日
掘便得水若國多疾病以冷水磨華塗螺鼓
等吹擊出聲聞者即愈若敵國怨家欲來侵
境以水磨華在於彼處用灑散之即得退散
若於高山有磐石處眾多比丘於石上磨華
磨華既竟相與禮拜久後石上自生珍寶若
人愚癡取所供養華數有百種下至七種擣
以為末以犂牛酥先誦呪百八遍和以為丸
如彈丸大日服一丸服九之時亦誦呪百八
遍漸得聰明利根一日之中能誦百偈若人
有所作取優鉢羅華拘物頭華分陀利華鬱
波羅華等若水陸生華華有百種先以供養

墨六

廿三

後以水磨隨其所須或塗或散悉皆有果若
得百種華末以為散水和為丸若惡重病磨
其瘡上其病即愈若癰若疽若有諸毒或服
此丸或以塗傳病即得除若人常患氣嗽身
體消滅以大小麥汁磨於此華塗其身上即
便充悅復以末利華汁和華散為丸塗其額

上一切怨家見生愛念文殊師利此華咒法
南無佛闍寫治莎呵一那末柯蘆履反民音般
若波羅蜜多囊莎呵二那莫波拖制點耽鹽
莎呵三南無菩提逼力龕嵐莎呵四南無達
磨所柯羅夜莎呵五那莫鑰跋耶莎呵六
南無菩提薩埵野莎呵七那莫僧伽野莎呵

那莫波羅底耶莎呵九
一一呪誦百八遍此呪章句汝於處處當說
如佛華法餘華亦如是佛說此祇夜
善人足下塵 勝上最第一 於諸世界中
金山不能踰 彼足下微塵 除斷憂悲苦
不如彼金山 增長諸怖畏 佛般若脚足

善提法輪處 塔及諸菩薩 眾僧與佛像
此處有九種 應當修供養 是於世間中
可禮可恭敬 能斷一切惡 滅除三界惱
功德自增長 壽命亦復然 顏色常悅豫
端正有身力 所作恒吉祥 諸佛咸讚歎
爾時文殊師利等諸菩薩阿若憍陳如等諸

聲聞天龍夜叉捷闍婆阿脩羅迦樓羅緊那
羅摩睺羅伽人非人等一切大眾聞佛所說
歡喜奉行

二十四

文殊師利所問經卷下

墨六

柯音柯荊反各莠而而證反又拏反尾加加鱧魚爽

疎兩糠檜上音康下下溺反奴於於去去揮音憤
開上俱妹反反些音懺莫結結濟亦鳥故反反航戶剛
曾反子儻儻饑反居依依數音珂反苦可可長衣上音闍達
反治野履反陵自自衰反羊逝逝柁反徒可可龕嵐上音闍達
反合合鑰音埵反丁果果澡漱早音蹈音跨反苦化化額音
反哈莫敢敢亢反口浪浪飼音踐音踏音徒音踐音下下滋音長

上音茲聲磬石上音氣味下蘇踰音捺疾津出反

月上女經卷上

墨七

隋三藏法師闍那崛多譯

如是我聞一時佛在毗耶離國大樹林中草
茅精舍與大比丘五百人俱皆阿羅漢復有
菩薩八千人俱皆是大德有大威力有大神
通悉皆受持諸陀羅尼得無礙辯得諸禪定
得無生忍具足五通所言真實無有虛妄離
諸譽毀於已眷屬及以利養悉不滌者不求
報故為人說法得深法忍能度彼岸具足無
畏已過魔事無有業結於諸法性無有疑滯
無量百千那由他劫修行成就恒以悅色慰
喻行者終無顛蹙善巧辭句心不變改辯說
無窮亦皆成就平等忍法能於大眾說法無
畏說一法句過百千億那由他劫得巧方便
無盡智慧知諸三世猶如幻化亦如陽燄如
水中月如夢如星如空谷響知諸法性空無
相願心常寂滅住真如法離諸取捨既得無
量智巧方便亦知衆心所行智巧方便之事